

Nowodhow an Seythen

30/09/08

Yma konsler Julyan German ow ledya kaskyrgh nowyith erbynn logo nowyith Konsel Kernow.

Yma ev yn mysk bagas a gonsloryon omserhyek neb a grys bos drog an desin.

Ev re lanchyas petyshyon war linen yn unn waytya kavos lies huni ow skoodhya an besants ha'n balores.

**

Yma kendon a seyth ha peswar ugens milvil peuns dhe'n klavji mayth esa John Watkinson kys ev dhe dhos dhe Gernow ha bos pennrewler Trelysk.

Hwithrans re dhiskudhas ev dhe asa Trest NHS Bromley nans yw diw vledhen ...hag i yn deray arhansek.

Yma daswel omserhyek lemmyn dhe Drelysk rag bos sur nag eus an kethsem kudynnnow omma.

**

Yma towlen bellwolok Westcountry Live moy ogas dhe vos trehys.

Kynth esa kaskyrgh bras dh'y witha... an mirji media Ofcom re erviras trehi an diskwedhyans.

Yma hwans dhe ITV kesunya an dowlen gans oll a Vreten Veur Soth west.

Y hylli bos koll ober... ha nowodhow pellwolok Kernow ow tos dhyworth Bristow.

**

Yma daswel ow skoodhya towlennow gorra nebes dygthyans kanker yn Kernow dhe Dhewnans.

Oberennow gastro-intestinal a via gorrys dhe glavji Derowfordh.

Sodhogyon a lever bos gwrys an ervirans ma awos bos an niver a vernansow uhella omma es yn tylleryow erel.

Byttegyns... kaskyrhoryon yw serrys drefen bos edhom dhe dus mos kans mildir rag dygthyans.

**

Eth lytherva Gernewek ha dew ugens a vydh kellys.

Henn yw diwettha ger an keskusulyans war aga thenkys.

Unnek moy a vydh dasworrys gans gonisyow lesa.

Y fydh eth lytherva wayadow kemmerys 'mes an fordh.

Ny wrug an kaskyrgh selwel saw unn lytherva... an komptyer orth Bre an Gew yn Rysrudh.

**

Rygbi...

An Vorladron... ugens - Nottingham unnek warn ugens.

Wharfedale pymthek - Rysrudh etek.

Para oll-du naw warn ugens - Tynedale seyth warn ugens.

Bay an Menydh eth - Birmingham Bees onan ha tri ugens.